

ხელშეკრულება №33
სახელმწიფო შესყიდვის შესახებ

(დაფინანსების წყარო: 2018 სახელმწიფო ბიუჯეტი 4701)

ქ. თბილისი

08 თებერვალი 2018 წ

ერთის მხრივ, სსიპ საქართველოს სტატისტიკის ეროვნული სამსახური – საქსტატი, შემდგომში **შემსყიდველი, (ს/კ212273868)** წარმოდგენილი მისი აღმასრულებელი დირექტორის მერი დაუშვილის, და მეორე მხრივ, შპს „პარკინგსერვისი“-ს შემდგომში **მიმწოდებელი, (ს/კ 412711230)** წარმოდგენილი მისი დირექტორის ირაკლი სარიშვილის სახით ორივე ერთად წოდებული როგორც „მხარეები“, საქართველოს კანონის „სახელმწიფო შესყიდვების შესახებ“ მე-3 მუხლის პირველი პუნქტის „ს“ ქვეპუნქტის შესაბამისად, გამარტივებული შესყიდვის მეთოდის გამოყენებით, დებენ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია ავტოსატრანსპორტო საშუალებებისათვის ერთწლიანი პარკირების საფასურის გადახდა და შესაბამისად პარკირების სისტემაში გააქტიურება (CPV98351100 ავტოსადგომების მომსახურებები).

2. შესასყიდი მომსახურების რაოდენობა და ფასი

- 2.1 პარკირების მომსახურების შესყიდვა ხორციელდება საქსტატის სახელზე რიცხულ 1 (ერთი) ერთეულ ავტომანქანაზე კერძოდ: **RENAULT LOGAN- სახ.№ SQQ-156;**
- 2.2 წლიური პარკირების საფასური 1 (ერთი) ავტომანქანაზე შეადგენს 40 (ორმოცი) ლარს;
- 2.3 ხელშეკრულების საერთო თანხა შეადგენს – **40 (ორმოცი) ლარს.**

3. მომსახურების გაწევის და მიღება-ჩაბარების წესი

- 3.1. მომსახურება გულისხმობს ქ. ქუთაისის ტერიტორიაზე შპს „პარკინგსერვისი“-სთვის გადაცემული პარკირების ადგილებზე „დამკვეთის“ მიერ მითითებული ავტომანქანებისათვის პარკირების უფლების დაშვებას.
- 3.2 ქ. ქუთაისის მასშტაბით პარკირების სისტემაში გააქტიურება განხორციელდება შესაბამისი მიღება-ჩაბარების აქტის გაფორმების თარიღიდან (ერთი წლის განმავლობაში) შემდეგი წლის შესაბამის კალენდარულ დღემდე.
- 3.3. ხელშეკრულებით გათვალისწინებული გასაწევი მომსახურებისათვის ფორმდება შესაბამისი მიღება-ჩაბარების აქტი და საანგარიშსწორებო დოკუმენტაცია.

4. ანგარიშსწორების პირობები

- 4.1. მომსახურების ხარჯების ანაზღაურება მოხდება საანგარიშსწორებო დოკუმენტაციის გაფორმების საფუძველზე, საქართველოს ეროვნული ვალუტით,

უნადლო ანგარიშსწორებით „მიმწოდებლის“ მიერ მითითებული რეკვიზიტების მიხედვით მხარეთა შორის წინასწარ შეთანხმებული ფასების შესაბამისად.

4.2. ანგარიშსწორება განორციელდება მიღება-ჩაბარების აქტის და საანგარიშსწორებო დოკუმენტაციის გაფორმებიდან არაუგვიანეს 5 (ხუთი) სამუშაო დღისა.

5. ცვლილებები

5.1. ხელშეკრულებაში წინასწარ შეთანხმებული ფასების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველისათვის“. ცვლილებები შეიძლება განხორციელდეს მხოლოდ „საქართველოს სამოქალაქო კოდექსის“ 398-ე მუხლის თანახმად.

5.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

6. ფორს-მაჟორი

6.1. ხელშეკრულების პირობების დარღვევად არ ჩაითვლება შემთხვევა, როცა რომელიმე მხარე ვერ მოახერხებს თავისი მოვალეობის შესრულებას საყოველთაოდ აღიარებული ფორს-მაჟორული მოვლენების ზემოქმედების გამო.

6.2. ფორს-მაჟორული გარემოებების აღმოფხვრის შემდეგ მხარეები შეთანხმდებიან ხელშეკრულებით ნაკისრი ვალდებულებების შესრულების ახალ ვადებზე.

7. ხელშეკრულების შესრულების კონტროლი

7.1. ხელშეკრულების შესრულების კონტროლს „შემსყიდველის“ მხრიდან განხორციელებს სსიპ საქართველოს სტატისტიკის ეროვნული სამსახურის ქუთაისის სამმართველოს უფროსი.

8. მხარეთა უფლება – მოვალეობანი

8.1. ხელშეკრულებიდან გამომდინარე წარმოშობილი სადავო საკითხები წყდება მხარეთა ურთიერთშეთანხმების გზით. უთანხმოების შემთხვევაში დავა განიხილება სასამართლოში საქართველოს კანონმდებლობის შესაბამისად.

8.2. წინამდებარე ხელშეკრულების პირობები ვრცელდება მხარეებსა და მათ წარმომადგენლებზე.

9. მხარეთა პასუხისმგებლობა

9.1. ხელშეკრულების პირობების დარღვევის შემთხვევაში, კერძოდ, თუ მხარეები ჯეროვნად ან ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც

განისაზღვრება ჯარიმით – ხელშეკრულების საერთო თანხის 0,1%-ის ოდენობით ყოველ გადაგადაცილებულ დღეზე.

10. ხელშეკრულების მოქმედების ვადა

10.1. წინამდებარე ხელშეკრულება ძალაში შედის მხარეთა მიერ ხელშეკრულებაზე ხელმოწერის დღიდან და მოქმედებს 2019 წლის 31 მარტის ჩათვლით.

11. სხვა პირობები

11.1 ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო მეორე – შემსყიდველს

12. მხარეთა რეკვიზიტები

„შემსყიდველი“

სსიპ „საქართველოს სტატისტიკის

ეროვნული სამსახური -საქსტატი“

მისამართი: თბილისი, ც.დადიანის №30

„მიმწოდებელი“

შპს „პარკინგსერვისი“

ქ. ქუთაისი, გუგუნავას ქ. №2

საიდენტიფიკაციო კოდი: 212273868

საიდენტიფიკაციო კოდი 412711230

ბანკი: სახელმწიფო ხაზინა

ს.ს. „ვითიზი ბანკი ჯორჯია“

ბანკის კოდი: TRESGE22

ბანკის კოდი: UGEBGE22

საანგარიშსწორებო ანგარიშის N:

GE24NB0330100200165022

საანგარიშსწორებო ანგარიშის №

GE03 VT05 0000 0000 0334 07

აღმასრულებელი დირექტორი

დირექტორი

მერი დაუშვით



ირაკლი სარიშვილი

